



মঙ্গল মিঙালর বর্তিগ তি লাগেয়া আই, তোর সালে সাজাহি এ আসনর গজে বয়া আই॥

মইবং ধ্বনিয়ান উল্লেখ

মূদক গন্ধীর দের তাক সময়ক বাং ক্ষেত্র নির্দেশ্য স্থানির স্থান স্থানির স্থানির স্থানির স্থানির স্থানির স্থানির স

তোর এরে উংসব উজ্জন করে দিয়া আই । চচততে এই ক্রানিট্রার পুণার জ্যোতি দিয়া হৃদিগর হাবি মামহান,
নির্মল করিয়া তি হবা দিয়া সুয়া প্রাণ জান।

তোর কর! তোর কর! তোর কর!

ও কুমেই কেনি দিন নাৰ্ক লই তোর এলা দিক আমি, হ্যাহান আজি লয়া আই।

হাবির হাদিং ধইলে মোরে এদিন হাবি আকৃথুলাগ করে,
এপুরুষ তি আকৃথুলাগই হাবি অয়া ধাকনে মোরে বানাল কলকরে

মোরকা শিক্তিল কথাহানি মাতনে ক্রান্ত বিদ্বার বানাল'গারি এগ বাদ্নে

রাতি এহান ঠই এগরমা বুদ্ধে ধারা মাতেরা থাক মোরে।
মারর মুঙে না মাতাদিছ মাতিছনে তি মোর মরমর কানে
হপনে তি গোপনে তি আয়ো মোরে আক্রপুলগই পা'নে।

বর্তি এগ নিবলে মুঙে বয়া বেড়েয়া ধইছ আধার এহান অয়া শুমে ধাইলে মোর জ্বিগ হছাক করিছ ও মিলনর পরে॥

হাওন মেণর গাঢ়ছে এ মাম
বিদনা বাদল খানি নার খাম
বক্র ছঙেছে তিঙা পথগদে চিন্ নাগাটির ভোর ।
তোরে চ্নগ খ্লিয়া দিতো পুছিয়া, বুকুগং খইভো ।
মোর দেহগর কৃষ্ণ এগং বরিয়া মি লইভো,

তোর প্রেমহান যতন করিয়া কর্মন স্ট্রিক্সর্ট্রিক্স ভাল করতৌ বৃতি ধরিয়া স্থান্ত ক্রেম্বিক্স আসন পাতিয়া দিতো হৃঃথহানং এ ঠইগর ॥ এलांब थुए उन

3648 PENSONS

প্রতিশ্রুতি প্রকাশনী

পরিবেশক পূর্ণিমা লেইরিক লেইসাং

ELAR KHUTTAL

Sougs in Bishnupriya Manipuri By Brojendra Kumar Sinha

Copyright : Author

ঃ রাসপুর্ণিমা ১৩৮১, ২৯ নভেম্বর ১৯৭৪, ত ক্রান্ট্রা প্রথম সংস্করণ

দিতীয় সংস্করণ : বাদপূর্ণিমা ১৩৯৮, ২১ নভেম্বর ১৯৯১ কর্ম কর্ম কর্ম কর্ম

ঃ জ্যোতির্ময় সিংহ প্রকাশক

প্রতিশ্রুতি প্রকাশনী, আশ্রম রোড, হাইলাকান্দি ৭৮৮১৫১

1 (5 t to) 1 50 to) 1 50 to

ः मक्या मिश्ह পরিবেশক

পুর্ণিমা লেইবিক লেইসাঙ, জ্যোতিনগর, গুয়াহাটি ৭৮১০২১

ঃ মণিদীপা সিংহ, মুকুল প্রেস, হাইলাকান্দি ছাপানি

দাম রূপা দশহান

প্রছদ শিলীঃ শ্রীনান্টু চৌধুরী

সাজানি : শিল্পী শ্ৰীকান্ত সিংহ বিশ্ব স্থানী



লেখকর আর আর লেরিক চক্রবৃদ্ধি (নাটক) লেহাও ফুলগরে **শ্রুবপদ** মেরাক সেরাক কণ্ঠগিরো (নাটক)

মেইকেই (নাটক)

ed. Bishnupriya Manipuri Language & Literature

প্রথম সংস্করণর ভূমিকা

১৯৭০ ইংরেজীর ডিদেধরেংত ইকরোরি এগা ওঁতা কতহানল সংকলন এহান নিক্লিল। বিয়াস করতে ভাবর পার-পর্য আহান রক্ষা করানি মুরারেছু।

সাধারণত: এলা এতার চারিহান করে কলি আছে। ১ম ২য় পারেঙ আছারী, ৩য় ৪র্থ ৫ম পারেঙ অস্তরা, ৬ঠ ৭ম পারেঙ স্ঞারী বার ৮ম ১ম ১০ম পারেঙ আভোগ। গায়ক গিরি-গিখানীয়ে এলা এতার কোন মেয়েক বা শব্দর পরিবর্তন নাকরে দিবাং। মোর দোষ ক্রটি অবোগাতা অক্ষমতাল মোর পরিচয়হান থাকু।

২য় সংস্করণর কথাহানি

এলার পৃংতদর ১ম সংস্করণ লগন্ব পিছেদেউ লেবিক এহান পাঠকে বিসারলা। এহান মুশ্ন করে ছাপানির প্রার্থান বাহেই আহিল। শ্রীমান গোপকুমার সিংহ-ই নিয়াম চাপ দিল। শ্রীমান গোপকুমার মোর খুলা বেশ্বক পদিলাপ কুমার সিংহর সাদে বি বেহান ইকরতো গুহানেই ঠিকপানি বুলিয়া লেপ করেছে। শ্রীমান গোপকুমারে এহানর আর্থিক দায়িত্ব বহন করানিয়ে, পূর্ণিমা লেইবিক লেইসাঙর কবি সন্ধান সিংহ-ই এহান পরিবেশনার দায়িত্ব বার কবি শিয়া শ্রীকান্ত শিংহই সাঞ্চানির দায়িত্ব নেনাই লেবিক এহান বার নিক্লিলতা।

নিজর থাইনাকার ইকর। পাকরলে লাজপানি ছাড়া গতি নেই। সুয়া করে পাকরতেগা লেখকর মুয়া ধারণা ইলয়া বানান খানি পরিবর্তন করানি মনেইলু। বানান পরিবর্তন করতেগা শব্দ, শব্দ পরিবর্তন করতেগা হাদি হাদিং এলাহান পেয়াও সম্পূর্ণ মুয়াহান আছে। এলা এতা দিতে গায়ক গায়িকাই পরিবর্তন গুহানির বারাদে লক্ষ্য খ দিবাং। স্বতে আগেকার দাদে থাইল। থাইল এলা ওঁতার স্বর যেদাদৌ গীতিকারর দুমুর্থিত জনা।

১, २, ১১, ১৮, २७, ७०, ७४, ६२, ६२, ६४, ६४, ६४, ६४, १०, १०, १३, १२, १८, ४४, ४० — এলা এহানির স্বর निमी ननो भग्नी वाद भिल्लो श्रीमठी माङ्लो मिश्हें हि । छ एव छेठा निश्वेदार আছে। मत्नेहेंन माङ्गेद कर्वानि शोकरत्व । ८६ ना छेटानद वाल मानदकाव वाद ४० ना छेटान वाडेनहान । श्रीमान्ते हि हो बुद्धार शिक्ष्महान आदक हि । स्थान छ छम क्यांद मिश्ह (लोहांहि), श्रीमठी मिलिलोला मिश्ह, श्रीपृक्त वीदास क्यांद मिश्ह (आमाम मिलिलाव) श्रीमित्रमन मिश्ह, श्रीमठी दमा मिश्ह, श्रीमठी मिलिला मिश्ह, श्रीमित्रमहन मिश्ह शाहिद अन्न बाहेन्।

ডঃ কালীপ্রসাদ সিংহ এম, এ, পি, এইচ, ৄছি, অধ্যাপক গৌহাটি বিশ্ববিদ্যালয় অত্তৰ প্ৰতিমেয

The transfer of the second of कांनिन (पर) व्या লাইলাদে মিকুপ আহান। ___ পুৱানা কথাল কিতা কাম। অজালোকে দেছি এলা নাকরেছি অবহেলা দেছি আমি করিয়া বাথান # পথক্ত অভিসার লক্ষণর শক্তিশেল কিতা। ডাকে বার করভালে দেছি আমি কালে কালে যেবাকা যেহান হিকেছিতা ॥ ভাবভক্তি অয়া চুম মাতেক আহান করে হন্তকল ওতারে বর্ণানি n ভাথেনর অজা পেয়া ফুম্পাঙ অছিল থানিমানি। অজানির বাক্যবাণ জলেছে উহানো আমি জানি। "ইমাই বাবাই মোরে <u>দৈছিত। এগর গরে</u> कि काना विधित्य हैकविशा।" থতাল বুলিয়া— "ভালো" মাতেছিলী— "ঘরে সালো" ঠইগৎ তাশেল বিদিয়া ।

the structure of the strict and the

নাথাছি আমিতে বয়া - এবাকা জাগিয়া প্রেম নিজবে করুরি ঠেম থাক আজি মনে মনে টীহরির ইচরণে দেছিলাং আমি যেতা নাম। ্ সাজন বাসক আর এপেই ভাবক নেই ্ ডাবুলাগ অছে থেই ইসাধাগ পায়াতে কিহান। ৰাহলাদে আছে তাল মান ॥ পাহরেছিলাং ঘুম _ ু ভিগ্ই ভলের ভল বন্তর তাল্ভর থছিলাং ধরে ধরে বিভেম নেয়ছে লায়ে **ংকগই বারে বারে** ্ব ্ৰ আমার ঘটগু চেয়া করিল কামতে নেয়া মাগানা সময় পেয়া বুচেছু ও পারেঙওচ্টি! বিদিয়া অজার প্রাণ বানাল মি ভোরে দিং "নেই কি মাধুরী রিং" লদিছ থুলিয়া তোর মৃঠি।

ু লাল লাল লাল লাল লাল কাৰ

্ ত্রেজন্দ্রকুমার দিংহ

মৃত্যুর তীর্থর পথে পদ্যাত্রা অকবিয়া চেই

নিক্কাকার লেহে আর মরে মরে থারা কানা নেই!

হঃথর দীক্ষার হরাক আমার ডর

শক্তির শিক্ষার হরাক আমার ডর
ইমাই ডাহিরী আজি প্রাণহান কাড়িয়াও দেই॥
হে বীর! আইনে মুঙে হাবিহান হজাক করিয়া

কৈরাল এহান আজি হাগহান শকক ধরিয়া

মৈবং রহেয়া লাগেয়া উঠিল গই

মৃত্যুর গৌরবে বুজাদে আমার ঠই
দীনতাল ক্ষীণতাল অছি আমি এমাটিক লেই॥

(২)

সাজাছিলু-তোরে মোর ঠইগর সাজে
কিয়া মেইথং নাউ তুলেছিলে লাজে!

বাদল দিনর মেবালা ফিরেইহানি
আহিগী বৃদ্ধি কঙালা কাজলথানি
বরিবা নূপুরে চরণ সাজাহু থাইবতা বাজে বাজে ॥
গারিগ বৃজিধা ঙাল বিজ্লির খেলা
তারে বৃবে বুলে মেঘমলার এলা

থাপাল বুকে বরণ ফুটার ভাল

চুয়য়া ভোরাং অক বুলিয়াক ভাল

নৌ নৌ করে শাতছে গারিগ লুকেইলে কিয়াকা যে।

(৩)

তার আগনে তি নেয়ছং কুরাং বিসারত্গাল পথে পথে ঘরে ঘরে ছয়ার মুকা মুকা। হাবি পথে তার ধরার দান কোন পথেদে যানা হাবিগদে তোর হবা রূপ কুরাং তোরে চানা মুঙে ধারাও নাদেহোরি আছং লুকা লুকা॥ আসনহানর গজে তোরে ইচুদিনহান থরা জিপেরা মোর আহিদ্নী থাইলু মুঙে বয়া, চানার সালে মেললু আরো লাগেরা থংমেই তোর পারাহান আছে পথে আসনহানাং নেই ভ্রনহানর কোন কাঞেলে বুলিরা আইলুগা॥ কিহান মাগর মোরাংভ আৈজি পাতিয়া ডিগল আত ডাঙর কুরৌ বুজিয়া দেনার কিতা ধন আছে মাত!

হুক ঠইগর হুক খৃংতল
পূজাপ করে বৃদ্ধিয়া লাতন
দিলেউতে আর নাউ বৃহুতৈ তেরে লপহান সাৎ।
কিয়াকা মোরাং নাপেছিলে তিতে তোর মাটিকর ধন
কিয়া এমাটিক হুক করিয়া তি সাহাছিলে মোর মন

ষেবাকা মিঙালে চারিবারা ঙাল আইলে অলয়া বিপুল বিশাল কিহান দিতো? বিপারতে নেই, ল্কাউরি মোর শাত॥ (৫)

দিনহান মোর উঠানে আছিলে নাউ ডাহেছিলু তোরে তোর এলাহানি লাছলে বাজিল পাতারে বিভূলা করে॥

মারাল মাধুরী রচনা করিয়া
আনেছিলে যেতা আছিল পড়িয়া
উতাল বার আলথক অয়া গেলেশা মাদান পরে॥
এখুকম বৌ বুলিয়া বুলিয়া করে করে হাহাকার
তোর গারিগর হংশি গংল উতলা অলয়া থার॥

তোৱে মি বৰণ কৰিং বুলিয়া
চাউৰি হয়াৰ এহান খুলিয়া
তেৱাগীৰ সাদে দ্বেই হাগেদে পাউৰি আধাৰ কৰে॥
(৬)

পথেদে তি আক্থুলাগ এলা দিয়া যারগা তোর স্থরগৈ গরর কোণে মোরে আয়া পারগা,

আপ্পানে মি পাউরিক লাপ থুলে দেউরি গারিগর সাপ আধারহানাং লুকেইলেগাও লুকানিহান নারগা ॥ পথপ বুজে লিসিং লিসিং মাতৃহানর মেলা উতার মুঙে তি কিয়া দর মোর সালেদে এলা না দেহোরী তোরে মিতে এলাহান তি দিতে দিতে

এলাহান তি দিতে দিতে অইলে দুরেই, আহি এগই তোমে বিসারারগা ॥ এবাকাউ বনে নাবাজের বালী নাহনেছু এলাহান; পাতাও বিভূলা নাছে বৌহানে নেই বংকার তান। অরুণে রাঙিয়া রঙর আবীর

না শিলহে আজি মনেদে হাবির
তুষারে আয়া তি মোরে ভাহে ভাহে অকরলে খেলাহান ॥
এবাকা গরে মি থাইতু কিদাদে ? কিদাদে তোরাং ধানা ?
সাক্ত লইনাছে, তি দিয়র লাজ, এতাতে কিদাদে বানা!

দক্ষিণ বৈতিষ আনেদিন বাণী
ফুলর কুড়িৎ আজি কানাকানি
অসমধে আজি কিসাদে করিয়া থনা তোর সন্মান ॥

((১৮)

কুষাৰ তিওেছে আঙ্লি শক্ষা হজাক করৰ কাৰে । । মধুমানতীর কুড়িগী এরুহ নাশাতছে পাছজারে । ৮০১

বাছানে কাশীগা স্বপ্র ঠুনে মেল্কা আহিগী আছি রেআ ফ্নে,
তোর স্মা স্ব বাজক এবাকা ঠইগ বীণাৰ তাবে ৬৩০
বিরহ বিধ্র মেইণডেদে তি লাবণা আনে আনে
আজি তি উতারে স্মাকরে সাজা—তোৱে পাকা বানাহানে,

আনাংশ। পাতা চারিবারা সেয়া
পথেদে বেলাক মারাম্য ছেইচার
বে সংখদে ভার কঙালা হরগ শিক্ষা পড়িয়া পার-এ॥
(১)

হয়। থাপ্পাল আগব সাদানে সাজেছং-লেইবাবি ! কনাক কঙালা তোৱ ঠইগং কৰিব শিচিন দাবী।

মনহানরমা তোরে বরে বরে করি কিবির সাজাছে কতি হবাকরে লছে তোর রূপ আহিণী বুজিয়া স্থান্থনী লেইসাবি॥ পুরা করে তোরে রচিয়া হশন তোরাং করেছে দান তোর সালে হার কবির হৃদিস বুজে তার অভিমান তোর অভিমান

হাদিগৎ আয়াঃ থারতা গোপনে, তি তারে দিশনে তারকা থহও বুৰুগর বানা হাবি।। পাহ বিয়া আছিল্টাউ নাপাহালৈ মোরে ক্ষনহানাং তি গোপন অয়া লইলে আজি বরে ক্ষিণ্টান তি আছিলে নাই আহিগর মা লুকেয়া হায়!
উহানলহে চারিবেদে নাউ দেহেছু তোরে ॥
মোর এলান বিভূব অয়া আক্ষুলীগ আছিল্
স্বৰ্গ অয়া তি বাদেছং হারতে মি না পাছিল্
আজি তোরে পেইলু মনে

ি উহানলহে ফুলর বনে । তি শাতর। অছিংতাক রূপলহে কলকরে ॥ (১১)

বদন্ত তোর কঙালা পাত ২ বিদায় লিশির পৌ। বিরহ-দৃতীরে বয়াহে আরেছে তোর দক্ষিণ বৌ

বৈলির মিঙালে আছে এরে ছেয়।
বেদনারে কিয়া থছৈতা রচৈয়া
আদ'ংপা বনে হসছে কঙালা পাতাহানি নৌ নৌ ॥
মগুর বাদীং বিষাদ বুজিয়া করুণ এ রাগহান,
কুমেইহানর কোনে ধায়া থায়া করেরতা আজি মান;

ফুলগীর লেহে মাগের বিদায়

মানুতির শক্ষা ^কতি আয় তি আয়"

হারোহানর হাদিং আজি এ আহির পানির টো ॥

(১২)

তোর যানার পথেদে পর্থগ দেহার মিডারর ধারাহানে, তোর দিয় থয়া বেড়ার লেহাও খুংতল আনে আনে, থানিককরে তি বাসানে এপেই

া মোরাহ্মাহান নাকরিনে লেই

তোর প্রগরে কঙালা করক বৃক্গর অভিমানে ॥ বতিগ করে মোরে মি লাগেয়া কাংকরেদিং তোরে মোর ঠইগরে ধূপর সাদানে লাগাং স্থান করে,

মোর হৃদিগৎ ধরার নৃপুর বাজক থানিও অয়া স্মধ্ব আক্থুকুম তি যানার পথেদে আহিগী তুলিয়া চানে মোর ঠইগং আরা গুমজিয়া, প্রেম হজাক আরা থাক,
মোর বানাহানে এখুক্ম ভোর চরণর দেবা পাক।
আহির পানিয়ে হিনাদেক তোরে
মোর ভৃথেই কঙালাগ করে
ভোর গারিগং বুজাদেক আয়া মুয়া চন্দন-দাগ॥
হারৌল ভোরে বনমালা ভাল পিদাদিংনে মি পারে,
মিলন মাধুরী হংশি বিলাক ঠইগং বারে বারে।

জনমল স্ব রচনা করিয়া আনিং মরণ কুপাঙে ধরিয়া ক্লিগং আয়া থানি তি জিবেয়া; মোর প্রেম তোরে চাক ॥

মিশন তোর হ্যাবে আয়া বিরহ আছে বাসেয়া, প হু:খ সাজ পিদেয়া তারে এবাকা লনে সাজেয়া। বুক্র হাবি আহির পানি

विश्व अद्या आरम्ह वानी

মনর বীণা এগর তারে এবাকা উঠা বাক্ষেয়া।
ঠিটগ বুলে আছেতা প্রেম উঠারে তিতে বরনে,
বিবাদহান তোর দি আতে বেড়েয়া তিতে ধরনে !

বিশাল অয়া মেগুলা হাগ
বরণহানে বৃদ্ধিয়া পাক,
তপ্তা বৃকে ইংগ অয়া জঙক কিতা নাচেয়া ॥
(১৫)

তোর সিংহাদনর চারিবারাহান দিনহানে রাতিহানে, বুলে বুলে থার ছোনাক বেলির বতিগি আনে আনে। বরণে বাজের ধানি মইবং

বসন্ত ভালেদের তার বঙ ঠতাল তোর বিরহ হঃধ বুজিয়া থারতা প্রাণে॥ মোর মনহানে আমি দিয়গার থেয়ছে হাদির প্রধ লালো ম্যারিয়া আছেতা বুলিয়া আধার সাগরগং।

তোর আরতির এলা অয়া পাক এ জনম তোরে বিসারেয়া পাক ভানছে ধরার মন্দিরগর ধুনি অক অভিমানে ॥ মোর বৃক্পর প্রেমর পহন পিয়া প্রিয় আই আই,
বসন্তহান যারগা লালয়া আর নাই ডিল নাই ।
আছিলু বেবাকা পাতার হাদিং
কুড়িগ অলয়া; নঙেছে আহিং
ভোর রূপধারা মিঙাল অলয়া গজে জঙেছিল নাই ॥
কঙালা মধুর ভোর বানাহান পুলছেতা মোর মনে,
ক্রমরাগ অয়া বিসারা।বিসারা আইনে তি এরে বনে।

জিবেয়া থানি তি মোর বুকে আয়া
পূর্ণ নাছু মি এপেই তি নায়া
বানাল তোরে মি বরিয়া লংনে আর তিতেটিল নাই॥
(১৭)

কোন্দিন তোরে দেছিলু এলার ছনৌরি আজি খ্র, কঙালা পাতার নারগং কিয়া এমাটিক স্মধ্র!

> ইচু বসস্ত আহিল লালয়া ফুলর রওর পথেদে সালয়া

শাত্যা এবাকা হারোয়ে মাতৌয়ে বুজিল কদয়পুর॥

হর্দ মাঠিয়া দিয়া ঠইগর আহিগীরে মেলাদের,

তালে তালে এরে কঙালা পথেদে থয়াহান বেলাদের।

আহিল মুঙেদে চিন্লু মি তারে; উবা অয়া মোর জনমর পারে তোর হারে মোর মরণহানরে কঙালা করিয়া গুর ॥ (১৮)

অ নেহাও! অ মানতী! আজি কাব পৌ! কানে কানে আনে দিল দক্ষিণ বসত বৌ!

ইচ্ছিন বনে বনে আছিলাই মনে মনে,

মেইখুম গুদেরাও কিরা অইলাই এমাটিক ঠে ।
কাবে চেরা কঙালা কেখকে রঙে সাঙ্যাও থায়া !
সাজেল করিয়া আছ সুয়া সুয়া পাতারমা ভায়া।

পিচ্ম তুনিয়া আজি
আহি মেলেছ হমাজি
থুৎতল দিতারাই কারে অছ তুমি নৌ নৌ ॥

হাগহান মেঘে আখারে মাময়া বরণে বাদলে সাছে,
হে প্রিয় ! আজি তি আহিতেই পথ মিঙালেও ঙাল নাছে॥
আমি দিরগীর মিলনর পরে
কিসাদে করে মি দেখতো তোরে
জিনজিনিগই তোর সালে হায় বর্তি লাগেয়া আছে॥
মোর ঠইগো তোর পথে পথে আহিগী মেলিয়া চার,
বরণ ধারাং ত্রিভ্বন বুজে পারার শব্দ পার।

তোর গারিগর বিজ্লির ঙাল ঙালকরেদের যেপেই তমাল গুরু গুরু ধানি হুনিয়া এবাকা তোর ইঙ্গিত পাছে ॥ (२•)

হাগহ।ন হাবি লালয়া আহিল পৌ,
হারে হানিরে এলাল বানেয়া অছে পাতাহানি ঠো ॥
আসাংপা গাসে কঙালা পথেদে আই
হে প্রিয় আর তি ডিল নাই ডিল নাই,
তোর পথগরে মুংশি করিয়া থছেতা ব্যাবৃল বৌ ॥
কামিনী কুসুমে তোর ঠুমহানে গুমহান বাগেছেতা,
শ্রুমরায় আয়া বৃকগৎ বয়া মাধুবীয়ো মাগেছেতা।
তার চরণর থমকে থমকে ঠই
বুজিল প্রেমর অমৃতর ধারাগই

ৰুজিল প্ৰেমর অমৃত্যু ধারাগই তোরাং নায়াতে চুনা নাইতই কঙালা এ হাদিগৌ॥ (২১)

বাধনে আছে হাদি এগং পড়ক আয়া ভোর ক্ষমা; ভোর চরণে ফৌকরানি ল্য়ারেছুক মোর হমা॥

মিঙালে তোরে গুরিয়া প্রা মাটির গজে পড়েছে থয়া নাদেহেছু মি, আহিছগীং পানির ফুটা থার জমা॥ গুণানিয়ে সেচরণ এ ডিগল অছে পথগর, অরর গজে নাউ পড়েছে থয়ার চিহ্ন আর ডোর।

তাশেল অছে জ্:খহানে
কঙালা মোর বুকগ জানে

ঔ বুকে তি বিশাল তোর দয়ালো আয়া থানি হুমা ॥

চিরবিরহর এলাল গিঠেছু ফুকডাল লয়া গারে, লেইকরিয়া তি বেলা বেলা আর দ্রেই নাকরি তারে॥ বনহান বুজে চঞ্চল রে) আনের বিষাদ বেদনার পৌ নিক্করেয়াও যারগা আতর সাজাছু ফুলর হারে॥ আহির পানির সাগরর চেউ উত্তাল অর কিয়া! তোর মেইপতে থাউরী যেবাকা মোর মেইপং দিয়া!

হলছেগা এরে লভার বিতানে বক্তে রাঙাগ ঠইগর প্রাণে যে ফুল শাতছে উতা খুৎতল তোরকা সাজিয়া থারে॥ (২৩)

এলাহান তিতে হনিং বুলিয়া বরণে বাদলে আইলে, মেঘালা এ হাগ বুজিয়া আয়াও আহিদিগীং ভাইলে। চরণ থইলে বুকগং মোর

হকগং আর নারগ নেয়র ফাদ-বীণাগর তারে তারে তিহে হুরগ অয়াও ধাইলে। তোর এলাহান মোরাং হুনর বাজারতাক তি ঠইগ, নিক্কা নিক্ক। হুয়া কুমেইল অছংতা তিতে গইগ।

আজি বরিষার এলাহান অয়।
নারগৎ আয়া থাইলে তি বয়া
কিহান করতু আহির পানিও খানিকরে খাম নাইলে॥
(১৪)

বরণ ধারাং মামছে মাদানে কিয়াকা থাং,
কানে কানে আয়া ভাহর তি মোরে ধরিয়া নাঙ ॥
গুঁ ডাকহান পূবর পবনে
বাহিয়া যারগা কদমর বনে
বাগারগা গিয়া চঞ্চল অছি ফুলগীরাং ॥
হাগেদে মেংদে ংকেদে গারিং লাগিল গই,
মন্ত অলয়া ভোৱে চেইভারা — কইভে কই !
আকুল কেতকী গং বিলা বিলা
দিনহান ভোৱে বাসেয়া আছিলা

দিনহান তোরে বাসেয়া আছিল৷ মিপ্ত বাসেয়া আছু, মোর সালে অয়ানে সাং # ৰৱণ ধারাং বাবে বাবে আয়া গেলেগা তি এলা দিয়া, নাচিনিয়া মিতে ছ্যাবহানে নাউ মুকাছিল কিয়া!

মাদান ছেয়াং ভোর সালে ফুলে
আছিলা তামুর বৃক খুলে খুলে
আলথক অয়া গোলেগা পথেদে মুংশিহানিরে নিয়া।
এবাকা কিহান করানি আধারে ভোর কোন চিন নেই,
ছয়ারে ধরিয়া আহুতাক চেয়া লাগেয়া মি থংমেই;

আধার পথেদে জঙেছে বকুল তোর মাধুরীয়ে লেহাও ব্যাকুল তোর বৌহান পথগদে রাতি আছে নাই নাচিনিয়া। (২৬)

না বাজের বাশী এ বরন রাতি আর, আহির পানিল বিরহ বিধুর ঠইগ তিঙিয়া থার। বকুল ফুলেদে নেই অলিকুল জ্বাংত আজি জঙেছে মুকুল কার সালে সাজ! পাউরিতা লাজ, নেই হুর আজি তার॥

কার সালে সাজ! পাউরিতা লাজ, নেই সুর আজি ও ত্যালর তলে মামছে পথগ থামছে বুকেদে গিয়া, বেদনার বৌয়ে থংমেই নেই নিভেরতাথাং কিয়া!

ইনাফিল আর গুরিয়া কিহান, কেতকীর গতে হাবি অভিযান তারে বিদারেয়া আধার পথেদে অকরেছে অভিদার ॥ (২৭)

আইনে গরে মাদান পরে দিংনে তারে হ্যাহান, গোপন থয়া সকয়। বয়া দিংনে ধয়া, লয়া দান।

তিমির রাতি নিবিড় অয়া
আহিগী বুদ্ধে থাকনে বয়া
হপনে রাঙা চরণ দিয়া বীণাগ করে বাজা তান ॥
লুকেয়া তিতে কালিয়া মেবে বিরহ অয়া থাইলেতা,
বিজুলি অয়া ইদারা দিলে অম্বরে তি নাইলেতা।

বরন দিনে হৃঃখ বৃজা বর্তি নেই আনেছু পূজা পড়িন ছেয়া এবাকা চেয়া গোপন খয়াহানি আন॥ ঠইগ বুজিয়া আছিলে হঃখ-আসনহানাং বয়া,
আজি তি হাওনে আন স্ব মোর আহির পানিল ধয়া।
বুকর হয়ার আঙরতা বাবে বাবে
আহি দিয়গীয়ে তোর পথগরে চারে!
বরন ধারাং আহিল ধানিও এবাকা আকুল অয়া॥
ঘুম নেই রাতি মাতার চরণ-নূপুর ধানিয়ে মনে,
ঠতার তালে উতলা বাদল কদমর বনে বনে।,
এ রাতি অলয়া আজি হমাহান
নঙেছে চরণে,—তার হাবি তান
জঙের তোরাং মেঘমলারে বুজেয়া দ্'হান থয়া॥
(২১)

বোহান কার অভিদারে সালছং !
ছেয়ায় বেড়াছে ঘূখীর গংল পথগ তি লালছং ।
হাগে হাগে মেঘ উজ্জন বিজুলিল
কদম বনর পথগ দেহেয়া দিল
রুক্প বৃদ্ধিয়া কার বাশীগর হারগরে তি খছং ॥
বরনে মাতের নেই নেই তাতে, এদিনে তা নেই ঘরে,
পথে আজি আধারে হৃঃখ আহেরতা পুলকরে ।

কার ঠইগং ঠইগরে পেইবতা বাশীর হারগ বিসারার তার কথা উগল বিভুলা ৰৌহান আজি কিয়াকাও ভাপছং॥
(৩০)

মেথলা এবে মেইখুমে কার মেইখং আছে গুরিয়া !
বাদল দিনর আচালাহান লেম্পালে তা উরিয়া—
কদম বনর কুমেই হানাং
মোর ঠইগং কিহান পানাং
আহিল আজি চারিবারার বরণ ধারাৎ জুরিয়া ॥
হাদি হাদিং চিনে)রি নাই, নাউ চিনোরী বারক;
চিনলতা না নাচিনলতা তিঙেছে ফুল জারোক !

হ্যারহানো মুকাউরি মি হাবি বাধৌ ফুকাউরি মি ঠইগতে মোর উতাউ আছে আহির পানিং বুরিয়া। বরণে বরণে চরণ বেলেয়া মেথালা মাদানে আই,
কদমর ফুল হারো হানল শাত শাত আছে নাই।
ভালিয়া উতারে তোর বানাহান
দেনে গারিগং মাধুরীর দান
মেরাকে বিজ্লি ভোর চিনদের নাদেহার তোরে হায়॥
বনে বনে পাতা মাতানির সালে মায়াল কঙালা আছি,
আইতেই পথে আসাংপা করে বানাল সাজেয়া থছি।
আসনহানো পাতিয়ানে তোর
ক্মেইল আজি সাজেছে হাগর
হারো হানিল রাতিহান হাবি বুক্সোও থইতাই॥
(৩২)

মেঘর পথেদে বাহিয়া আহিল নিংসার বৌ কার !
কোন বিরহর বাণীহান আজি অকরেছে অভিসার ।

যুখীর কুড়িং কঞ্জণ রাগিণী

খানি চিনি তারে থানিতে নাচিনি
আজি আয়া তার বেদনা মাধুরী ঠইগ বেড়েয়া থার ॥
মোর গোধুলির এলাহান আজি সাজিয়া নীলুয়া সাজে,

থার হংশিও আধারে শক্যা অন্তরে আজি ডাকহান অয়া মাতের মিলনে আহির পানিও কিয়া থাং লইনার॥ (৩৩)

কার গ্যারর মুঙে গিয়া হার মূর না তুলেছে লাজে।

হমাজি কার এ বাশীগ বাজের ঠইগ বুজিয়া!
কুরাং যিতুগা কোন বনে মাত তারে মি খুজিয়া!
লাজে মি মুরগ নারুরি তুলানি
নঙেছে আহিগী নারুরি বুলানি
বনে না মনেদে গোপনে বাজের হৃদিগ বুজিয়া॥
গারিগ বুজিল মধুর হ্বর মাধুরী হানিল,
হারো এহানে বুকগ তিঙিল আহির পানিল,
মাতনে হমাজি কানে কানে মোরে
পথে যিতুগানা থাইতু মি গরে
মিতে কিতালতে এতার সারুক দিতো হজিয়া॥

এতা হাবি কথা থায়াও হমাজি কথা মাতানিতে নার,
বুকগর কথা বুকেদে পূলয়া কাদিয়া কাদিয়া থার।
লাভলে শাতয়া ফুলগী জভের
লাজহানে মোর আহিগী নভের
ফুলডাল আতে ধরিয়াও তারে দেনা নারলু মি আর॥
মোর কথাহানি বাহিয়া গোলগা দক্ষিণ বৌহানে,
আহির পানিল নাদেখলু তারে বাশীগর রৌহানে
মনর কথাল থাইলু মি বয়া
নাউ ভিঙাদিলু তার দিয় খয়।
তারে নাপেয়াতে কিসাদে লালনি বিবহর পারাবার॥
(৩৫)

হমাজি মোরে না ডাহিয়নে তুমি বসন্ত বনে আর ।
বাদীগর হার মনেদে হনিয়া রূপ চেইতো তার ।
রূপহান আয়া ঙালছে ফুলেদে
গারিগর বো শিলছে চুলেদে
তার বানাহান অলয়া সকয়া কলকরিয়াও থার ॥
আক্খুলীগই বিরহর লগে বয়া য়ারি দিয়া থাং,
আহির পানিং আহিগ গুরলে হ্লিগং থানি পাং ।
বসন্ত ফুলে আহে হপনরে
আনিয়া গিঠিয়া ডালহান করে

প্রেমর গারেদে পিদা দিয়া মোর ঠই এগ চাম নার দ (৩৬)

তি মোরে চিনিয়া আইলে এপেই নাউ চিনেছু মি তোরে তোর প্রেমহান দিলে দিয় আতে লনা নারেছু মি ধরে। তোর পৌ অয়া তৃঃথ আহিল বিরহ বেদনা বুজিয়া পাহিল গুরাকা তোর থেলা বুজিয়া মি কুয়ারেছুতাক ধরে॥ মেইথংহান খুয়াল গুরিয়া লালইলে বনপ্রথ, হুকানা পাতার গজেদে চরণ পড়েছিল তোর থত। রুকু বুকু ধ্বনি হুনিয়া হুনিয়া

কুমু ঝুমু ধ্বনি ছান্যা নাহনেছু মিতে মনহান দিয়া

আজি কুষা রূপে আয়া নিরুপম চিনা মোরে মুয়া করে।

কেত্ৰী কদমে কার সালে আজি অনেদিন নুয়া নাছ। কেকা কলবৰে কার মনহান বুজা দিল কিতা আশা, বিরহিণী আজি বাধেছে কৰা

বিরাহণী আজি বাধেছে ক্রবর বর্মর এলা দেছে বিভারতী

কানে কানে আয়া মাতেরগা আজি কোন মিলনুর ভাষা। হে অহুরাগিনি, মেবে কার বাণী হাগহান বুজে খার, তমালর বনে ভিঙা বৌহানে শিহরণ কিয়া পার!

লেইপাকলেই মাটিং শাত্য। মাতের— " দিং মি হাবিতা নাথ্য। এ পথে আইতে চরণ বেসাক খানি খানি বাসা বাসা *॥ (৩৮)

আহিং নেরছে গুমহান মোর বাদলর রাতিহান, বকুলর গতে তোর বোহান আরা বুজেইল প্রাণ। চামেলী বনেদে চঞ্চল বো

विनारमंत्र लोब स्वर्गं दो

কতিও দ্রেয়ে এবাকা আছং ।আয়া বাগ অভিমান । বিয়ানে মিগ্রালে আহেছিলে মনে হারো-ভূনার রঙে। মোর হৃদিগ তি শক্তিলে আয়া বানাহানে নঙে নঙে।

ছঃথ রাতির বিবহ লালয়।
আইনে এপেই, মনেদে ঙালয়।
ক্তকী কেওয়ার সুংশিল ভোর বানারে বেড়েয়া আন ॥
(৩৯)

হপনল মিতে গিঠেছিল ফুলডাল,
জাউল মাটিং পজিয়া বেলির ডাল।
ক্রাং নিলগা বৌহানে আয়া
পণর ধ্লিং মিতে বয়া থায়া
দেখল এ পথে নাউ অইলে তি আল ।
আল্থক আয়া নাচেইলে তিতে আর,
ধ্লির গজেনে বধর চিহ্ন থার।

থবাকা কিহান করানি এপেই হপন হানিও আহিগিং নেই তিওঁ গেলেগা – বার হংধর কাল ॥ নিঃশদ ভোর এলাহান দর নীরব বীনাগ বাজেয়।

হবর সাজল বুজার ঠইগ ইযে সাজে নাউ সাজেয়া।

ভোর দক্ষিণ আঙ্কি আতর

ভ্লিয়া আধারে কিহান মাতর

বিয়ান-মাদান-মন্দিরাগর নাহনেছু তাল বারেয়া।

বিয়ান-মাদান-মন্দিরাগর নাহনেছু তাল বারেয়া॥ বিশাল বীণাং মণিগী তেরার রাতিহান হাবি জ্বলিয়া, নাছর ঘেবাকা ভঙ্গি এহান পড়ের মাটিং গলিয়া।

নাছের তালর মহাতর্ত্ত হে মহামহিম বিপুল অস ! এলা বুজে আছে নীরব ধ্বনির হার হাতোগিরে নাছেয়া॥ (৪১)

বসস্ত বনে মহারাজ তোর সভাহান বহা দিলে, উহানর ঙাল ঙালয়। আছেতা হাগ এহানর নীলে। চরণে বিরাজ করেছে ভুবন

ধন্ত আজিতে ধন্ত এ মন তোর ধন্বাস্থমা বিশ্ব এহান যারগাতা মিলে মিলে। তোর গারিয়ে ফিজেতে হাবি আভরণে লিসিং হপন থায়া, হে রাজেশ্ব ! চিত্ত কমলে বিলাদের বুজে মায়া।

হৈ বাজেখন ! চিত্ত কমলে বিলাদের বুজে মায়া বিলাছং তোর দক্ষিণ দানে বুজিল যেবাকা তোর হবাহানে

তোর বানালহে মোরে বেড়ের। তি মোর প্রাণ হুধা পিলে॥
(৪২)

তোর চরণ ছ'হানি হৃদি-থাপালে থয়া।
মার মনহানাৎ তি ভ্রমরাগ অয়া বয়া।
হাদিগ বৃজিয়া দেছৎ পহন
মিঙাল বুজিয়া দেছৎ নয়ন
তোরে পূর্ণ করিয়া চাং মুঙে উবা অয়া॥
গর্বল আজি গুরেছ গারিগ মোর,
দেংকবিয়া তি ভোর দিয় আতে ধর।
জীবন এহান দেছৎ বানাল
অন্তর বুজে উতারে পানাল
হবব্নে মাম, ভাল অক ভোর ধয়া॥

বিরহল তোর মিলনহানরে কিয়াকা বেড়েয়া থর !
জীবনহানাং কিয়াকা হে প্রিম্ব মরণ বেড়েয়া লর !
রাতির আংল দিন এহানরে
ছিড়র আহান আহান তি করে
বিপুল কালর গারগং গিয়া ভাল ভালহান অর ॥
হে বিশাল! তিতেমোর ঠইগংহমার কিসাদে আয়া!
এরে হুরু আত পাতিয়া কিসাদে লউরি ডাঙর মায়া!

রপল গুরিয়া অপরপ তিতে আছং বুজিয়া বিভুলাগ মিতে এলাল খেলাল বেড়েয়া মধুর অছে মেইখং তোর ॥ . (৪৪)

ভোর অমৃতবাণী আমারে থানি বিলেয়া আজি দিয়া
হুঃখগই তিমিরময় পথগ অছে কিয়া।
নিরস্তব বিরহ তোর
অন্তরগ বুজেয়া থর
অন্তরাতি ইমপানিং ঠই থার কাদিয়া।
জ্যোতির্ময় মৃতি তোর ব্রিয়া লনা মনে,
জনমহান ভোলকরানি থয়ার ধূলি ধনে।
অনতর ছন্দহানে

আনক্ষরে দেকনে আনে
কুমেটহানে বুজাক ঠই বেদনাহানি নিয়া॥
(৪ঃ)

তোর চরগ-কমল বেড়েয়া তেরায় অকরেছি উংস্ব,
বিশ্ব বুজিয়া বাজের আজিতে মঞ্চল গীত রব
স্থাসমুদ্র কতি স্থমগুর
রসর ধারাং এরে হাদিপুর
নিশ্বত অয়া বুজিল প্রেমর তরক নব নব॥
অহরে থাক অনম্ভ অয়া প্রশাস্ত মহাপুণ্য,
তোর বন্দনা চিরজীবনর শুনা করক পূর্ণ
অত্ত ধারাল সিঞ্চেদে মন
তোর মহারূপ করিং বরণ
বক্ষ দৃশ্ব সেচা হে সেচা তি, চাং এরে মহাভব॥

কোন আধারর পারে থায়া তোর মুক্টে মণিগী জ্লের তেয়ার তোর চর:র ধ্বনি আয়া মোর থায়া থায়া এরে ঠইগ বেড়ার পৃথিবীর হাবি হঃথ শাত্যা

ফুলগী তোরাং জেরে লাত্যা

হে প্রিয় মরণ হাবি আভরণ আহান আহান করিয়া এরার ! যেবাকা আধার গারিগর তারে বাজিল হরগ বুজিয়া ভ্বন বঠি লাগেয়া আছিলুবানেয়া, বরিং বুলিয়া দাজাছিলুমন ধংমেইহান নিভিল টুময়া

্ - তি নেই ব্লিয়া থাইলু উঙ্য়া হে ভীষণ তোর ক্পেহে ঙাল্যা মুকুটে মণিগা জ্বলিল তেরার (৪৭)

তোরে মিঙালহানাৎ মাংকরৌরি আধারহানাৎ পাউরি,
আহি মেললে নাদেহৌরি জিপেইলেহে চাউরি।
তি আয়াহে বাধরে মোরে খুলের হাবি শিকল
কতি চমৎকারতা নায়ে হংকরেছাং এ কল
এহান কিহান থাংক মিতে আপাং অয়া থাউরি॥
এতা হাবি পথ দেহিয়াও মাংকরৌরি পথা,
হাবিগীরাং আংকরিয়াও নাপাউরি মি তংগ।

ছয়গ হাবির কথা লয়াও বিভূলা লাগানি কাদাং আছং থাঙো তোরে দ্রেইং বিসারানি তোরে বুলে বুলে বিসারতেগা আল্পক অয়া আউরি॥ (৪৮)

ইতাও তিতে ইতাও আজি কুরাং লুকার, কুরাং ধাইলেত। ! বাশীগল আইলু আরো হুরগ অয়া কিয়া নাইলেতা !

ধেলাহানো লইতে নাছে
এলা জঙের পাত্য গাছে
বনর বীণাং বাজে বাজে মনহানাং তি কইতে আইলেতা॥
আহির মুঙে মনর কোনে মধুর অয়া মারা পুল্ছিল,
উতাল মি আইলু আবো পথে পথে ছেয়া নঙেছিল।

উতাও তোরে বিসারেয়া আইলু পথে চেয়া চেয়া তোর খেলাল পাছরিয়া বেললে মোরে, ক্রাং থাইলেতা [॥] গাঠি দিয়া থইং বুলিয়া মন।ছলু মন!

মিংটা আহান আছিল যেত। থানিপ্পারা ধন
অ মন! আধার গরে রাতির পরে থাইলু ডরে

এতা থনা কিহান করে!
কুংগই নিলগা নিলগা গুমে থাইতে মন॥
উইহানে মোর গুম বাগিয়া গরে বয়া,
বিসারেয়া চেইলু হাবি পাগল অয়া,
আর নাপেইলু নাপেইলু গরর হাদিং ধন॥
আয়া বিজ্লামি সাব্লামি খুললু হয়ার
আইলু পথে যেপেই বরণ বেলার মনিম্ক্রার
দেখলু শিলছে তাের অন্তর ধন॥
গাঠি বুজিল বুকগ বুজিল, বুজিল দুগী আহি
মি কালাল চাউরি কতি দেহং দয়া মাহি,
আজি পেইলু নাই বিলাহং বারন॥

আছিলে মেঘে মেঘে বরনে বাদলে তি বিজ্লি ঝলকিয়া वादन वादन, নিক্করের এরে ___ নারিপ হাবিগউ ঠইগ থলকিয়া আজি থাৱে! मङा উপজের <u>বরন কলর</u>বে गांधनी मिल्लका কঙালা পল্লবে **ठब्रु अ**क्ब मधन यान यान তোর এ মঞ্জীরে लहे नादा ॥ शृःथं देवननात्र ্মতিল গিঠিয়া মি সাজাছ, হারডাল তোর সালে; বিরহ পারাবার क्षिन हक्षन মিলন খুংতল ভালে ভালে, নিজা নেই এরে মুগ্ধ রাতিহান ভীষৰ! আজি মোরে দিতেই তোর দান ৰাক্ষা বৌহানে वश्नि सहैवः আইবে **জ্ৰিগদে** অভিসারে ॥

(40)

তোরে মি পাউরি মিলনর ফলে, পাউরি বিবহ দিনে,
আহির পানিং পাউরি মি তোরে, পা চারক মোর হিনে।
হারৌ অলয়া আহর আহিৎ
হ্রপ অলয়া বাজর বানীং
গৃঃখ-আধারে আক্থুলা গরে আহর তি চিনে চিনে।
জোনাকে তেরায় বেলি বিজ্লিয়ে গুলছেক তোর পথ,
নীলুয়া হাগর চারিবারা বুজে সালয়া আহের রখ।
বুকেদে আহর, মনেদে আহর
হক্ষ ঠই এগ বুজিয়া পাহর
মিক্প আহান না যারগানাই তোর বানাহান বিনে।
(১২)

বিরহী ডেঙে কিয়াকা আজি চঞ্চলতা !
কুংগ আয়া কুজবনে মাংল কথা !
ছনাল সাজা ফিজেং লয়া
কুপাংহান বুজেয়া থয়া
বিরয়া লনা মনেয়া তেই বাসেইলতা ॥
এবাকা পেয়া নাহেছে মুঙে; ফিরালহান
দ্বেই অয়া দেখল আয়ো নিরালহান
তুলিয়া বার নঙেয়া খছে
চারিয়বেদে গইগ আছে
হলছে কুড়ি শাতয়া তারে সাজেইবতা ॥
(৩০)

পূর্ণিমার জোনাকহান কিয়াকা আজি বিরহ মেইথওে!
লেহাও জার লালয়া হায় বির্ব জ্বা আছংতাক নঙে।
অমাটিক তি অইলে ত্রা;
কুমেইহানে বিভুলা ধরা
চেইরী তোরে ককণ অ্যা গছিয়া তোর ডালে দেহং রঙে॥
রাতি এহান তোর সালেদে হজাক অ্যা, পাইলী আর ব্যা,
এখুক্ম তি সালৈলেতা বুকর প্রেম হাবিব হানি ল্যা।
বিলা দেহং দেহর সাজ
বিয়ান পরে দিতৈ লাজ

ষে পথে তোর নিক্কা নিক্কা পড়ের খয়ার চিন্দ বেলির শৈঙাল ভালয়া থার উপেই সারা দিন। ভোর মাণ্নীর মধ্র ক্ষেই বিরান মাদান বিলার মুঙেই বিরহিণী এ পৃথিধীর ককর হাবি হিন। মোর আহিগীং লাগক্নে ভোর মিঙাল মৃষ্টিহান, ভোর উংস্ব কণা আগৈ বুজকনে মোর প্রাণ। গইগ লাগক মনর কোণে ভোর দয়ালো বুনে বুনে জীবনহানো পথে সালক ভোরাং মি অঙ লীন।

মিঙাল আয়া এ ফুলর বুকেদে তিলরগা,
মংশিপা গং হপনে হপনে শিলরগা।
মোর হৃদি এগ তোর হরে হরে
দিনহান হাবি থার বুরে বুরে
মোরে তোর দিয় আতে জমাছং বানা দিয়রগা।
মোর হৃদিগর তালে তাল দিয়া এ ভ্বন,
নাছের যেবাকা মোর বুক বুজে ভি চরণ
বেলেয়া আহর জন্ম এহান
মাংকরে দর হাবি অভিমান
ভোর জীবনহানাং মোর জীবনরে নিয়রগা ॥
(৩৬)

আই বসস্ত আইনে আজি ফুলে ফুলে আই,
বনে বনে হয়। কৃড়ি খুলে খুলে আই।
চারি বারা অরা বলমল
আন্নে হয়। তোর খুণ্ডল
হাবিগদে হারেহানর রঙতে জঙিল নাই।
কঙালা পাতা মাতা দিয়া ধরে দেহৎ আতে।
কুমেইর বাদী মনে বাজের নাউ খামদেরতাতে।
মাতৌমঙর গই লাগিয়া
তোর বানাল লাজ বাগিয়া
পধে পধে হুংশি গতে শিলক মুঙেই আই ।

সুবা লতাবলিবিভানে আজি মলিকা কিয়া সাজেছং।
পুলকিত পল্লবে উৎসবে বৃৎতল কিয়া ভালেছং।
মধুপর সঙ্গীতে অঙ্গ তরঙ্গিরা
প্রেমঘন আহিছগী ললিত লীলাল কিয়া
চঞ্চল চকিত কটাক্ষল মুখা হে। রসে বাহেছং ॥
দক্ষিণ বৌহানে ভোর সৌরভহান বনে বনে শিলকরে দের
মধুর পুলকে লাজে সজ্জিতা মঞ্জুরী কি কথাল নিক্করেদের!
মিলনর মঞ্জীরা সুংশিপা শঞ্চমে।
অসুরাগ সিঞ্জিয়া আনেদের এ মরুরে
আশাহানি, ফুল্ল বনেদে যেতা পুল্প পরাগে আনেছং॥
(৫৮)

মধ্র মধ্র মধ্র বাজের মৃদক্ষ,
বিধ্র বনর মঞ্জুরীগীং আয়া উৎসব ভরক।
পশিক বধ্র অস্তরগং
মিলন হপন সাজাদের লভ
চঞ্চল অয়া বস্তহান শাতকরে দের এ আজা॥
মঞ্জীর ধ্বনি ঝান ঝান বাজের বেণু ক্ঞার প্রাজনে,
উন্মুখ ধরা উজ্জল অছে মিঙালর আলিকনে।
কুম্ব কেশর কীর্ব বনর
মুক্সিহানাং ফুল অধর
বানার পাভার লীলায় লিলায় কি ক্থাহান আনক॥
(৫১)

মন্পর শুরবণে কুঞ্জবনে মঞ্জুরীগী নিক্করিয়া
আনোকর পাতার হাদিং লুকেইতারা মাতৌহানে মুক্সি দিয়া
বসন্ত বৌ মন্ত অয়া মুগ্ধ অয়া
বুলে বুলে খুংতলহান যারগা লয়া
উবাকাও ছেয়ায় ভালে লুকেয়া তি অন্তরেদে যারগা কিয়া ॥
হে ইভাও চকল ভোর চরণ ধানির আনন্দিত ঝংকারে মোর
দিনহান মধুর বাভের বুকগ হাবি ভালে ভালে হুংশিল ভোর
থাকনে থানি নাজেইগানে মিকুপ আহান
আলিজনে বাধনে মোরে, মোর এরে প্রাণ
কিন্তর এলায় ভঙ্গ হুছে ভাষ্ট্যন দিস আনিয়া॥

(wa) - ----

রাতিহান হাবি অছিলু হন্ধাক তিতে নাইলেক গরে,
চঞ্চল বৌ গেলগা বুলিয়া হাহাকার করে করে।

চৈত্র বনর বিভুলা পাতাং

নিক্করেছিল বিরহ আঘাত
বুজাছে পথগ বিধুর বকুল তোর সালে পড়ে পড়ে॥
ঘুমহান তিতে কাড়লয়া নিয়া নাইলেতা হপনেউ
তোর সালে আজি বাবাছিল রাতি জোনাকর মিঙালেউ

কাতর কোকিল গাছে কুহরিয়া
কথাৰা ডেওেদে গেলেগা ডাহিয়া
হেইনো ফুল-মঞ্জুবী লাজে আছিলাক নিক্করে ৷
(৬১)

বকুল করাপে আকুল ভ্রমরা বুলিয়া বিভুলা অছি,
কুস্মে মুকুলে ঠই খুলে খুলে ভার প্রেমহান লছি।
মালভী মাধবী চামেলী লেহাও
কার পথ আজি আছিতা চেয়াও

কার অভিনার ধ্বনি হনে হনে কুঞ্জ হ্যারে বছি । তিওঁ কবরী বাধিয়া আহিছ, পিদিয়া ফুলর ভাল, নিক্করক্নে মণিকেখলনং ভুবন হানর ভাল।

ন্পুর বাজক নাণয়া-চরনে নাংতী-মঙর বরণে বরণে ঝলমল জালা ডালয়া উঠক আজি পূর্ণিমা শশী॥ (-৬২)

মালতী কারে চেয়া ্থাইলে সাজে সাজে ৰাদেয়া দিনহান নঙিয়া কতি লাজে! উত্তলা প্ৰে তোৱ -বুলিয়া বনহান কুংশি বিলাদের 🚎 🐃 খুলিয়া মনহান भिनन इन्नशहें গারিগ বাজে বাজে। কঙালা পাতাহানি ---পথেদে ছেয়াগর বিলাছে বানাহান হমারে আজি থর। ু মাৰতী এধুকুম আহিল তার পৌ মাতের তোরে আয়া, দতীগ আজি বৌ, মাতির গজে আর क्शिनि नांक नार्छ॥

ফুলগ নাথাই এবাকা জার তি কুড়িং গোপন অয়া,
হপনে জাছিল চরা ধ্বনিরে বুকগ খুলিয়া লয়া।
বেড়ানে উহানি গংল কুংশি
সাজেয়া জান তি মিকুপ পুঞি
তি আর নাথাই পাতার হাদিং মেইথংহান থয়া।
পূর্ণিমা রাতি ঙালক মিঙালে ধ্য়া ভোর বুকগরে,
পাতক শ্বাা হরেয়া লাজনে লইবেতা তিতে বরে।
জাইতই আজি যে মনোহরণ
ভালিয়া মধুর মায়ার বরণ
হরতীল তিতে মাঠিয়া দিসনে রাতিহান হাবি বয়া

আহিবলীং তোৰে চেৰাও চানাহান চাম নার,
দেহ বুজে গ্রেমাও আজি বিরহহান থার।
নিক্কা হয়। বাবে বাবে
আহির মুতে আলা থাবে
নানান রূপে নানান সাজে জনমহানে পার॥
তোর বার মোর এ বিরহ এখুকম লই অক,
ভিরান মিটক, মিটক জালা, মিটক হাবি উক।
আহিং নাগৈ আইনে মনে
দেহং নাগৈ ঠায়ে অ'নে
এতা হাবি রূপর হাদিং না লুকেইনে আর॥

খেছে।
মাগানির আগে হাবিতা দিলে তি মোরে,
উতাও আহির পানিরে কিয়াকা নুয়ারলু খামকরে!
তোর ভাণ্ডার পড়েছে শিলয়া
মাটিং ফুলেদে মিঙালে তিলয়া
উতার মাটিকে আত দিয়হানি মুয়ারলু সালকরে॥
হে মহারাজ! তি, ভিক্ষা মৃষ্টি আহানল মুঙে আয়া
হক জনমর হুরু বুকগং পহন অলয়া থায়া।
পিস উদিটা তি অয়া মধুকর
ভিরাস হানরে খানি চামকর
হে প্রিয়! তোরে মি তেরি প্রেমহান দিং এনে আলকরে॥

আর নাদি আর এলা নাদি দ্রেই পথে থায়া, প্রাণে, মনে, বুকে, আহিং লাগের আয়া আয়া। বারে বারে মাংলু তোরে আহিছনে গোপনে আহির মুঙে নাগৈ নাগৈ; আহিছনে মোর মনে হারিরে তি বাগার কিয়া? এহান কিহান মারা॥ এবাকা মি আরভারাংতে কিহানল খুমকরতো? মাহর মুঙে কিসাদে মি ভোরে ওক্করতো? চেইলো তোরে লাজে পড়তো, নাচানিও কিমে কারেও বাগা হয়ারিয়া থাইলুতাক ইমে মোর জালাল জনোরি মি, ভোর বারাদে নায়া॥

গোপনে আয়া ঠইগ বুজে থায়া,
এলাল মোরে বেড়ার দিয়া মায়া।
বিয়ানে খুয়া গাঢ়য়া আছে
উঠানে শাতা লেহাও গাছে
আটিয়া আজি আহিলে রথে নায়া॥
এবাকা পেয়া ফুলর কুড়ি বনে,
ঠিলছে সাৎ বুলিয়া মনে মনে —
তোর সালেদে নাউ সাঙ্গেছি
কাকিলে ডেঙে নাউ ডাহেছি
হাদির মুঙে উবা অইলে আয়া॥
(৬৮)

তোর এলাহান হনানিরকা দিলে বীণা মোরে,
হ্বতে নেয়া আহির পানি আছে পড়ে পড়ে ।

এথুকুম তি আলথক করে নেগা
তোর এলাহান তি বাজেয়া দেগা
হনতৌ মিতে আক্থুলীগৈ থাইলে বয়া গরে ॥
তি যেবাকা হনেইলে হয় বরণে বাদলে,
বসত্তদিন সাংকরিয়া কঙালা লাতলে ।

— আরাক কামে বাধিয়া মোর মন
ল' হয়ারলু দেছিলে তোর ধন
মোর আতে আর নাবাজের নাই আজি য়ংশি করে॥

কিয়াকা মালতী মাদানে শাতছে কামিনী কুসুম পথেদে নঙেছে তোর, বসস্তবনে **भृषश्र**क्षनि নুয়া রাগহান বাজেয়া বিভুলা অর। আকখুলা দিন নেই তোর চিনহান আহির পানিং জঙেছিল অভিমান দিনহান থায়া এবাকাতে কিয়া কুংশি গংল উতলা মাদান পর ॥ নঙেছে আহির জঙেছে পানির ইঙেহে তিঙক তোর আহানির পথ, পড়ভই দ্বিয় চরণহানির নৃপুরে হারে আনকনে ঠইগং। সেকা আধার বুজিয়া তি থায়া এখুরুম মোরে মাতাদিছ আয়া ধাইতো বয়া বৰ্তি নেয়য়া ভোরেল ঙালক মোর মন বার গর॥

মাতিয়া লই নাছে মাতিল কথাহানি শাচাক নিকুলিল ভালয়া, মিকুপে রাতিহান লাল্যা গেলগাতা হমাজি! যাউরীগা আলয়।। তিঙেছে বৌহানে বানাল আছেতাতে শাতছে ধলাতেরা কি কথা মাতে মাতে বাসাছে তোর সালে হারোয়ে খুৎতলে মাতৌয়ে মঙহানে পালয়।॥ মাতিং বুলে বুলে মাতানি মুয়ারেছু গোপনে মনে মনে পছিলু, রাতির পাহিয়াগী **ডাহিয়া গেছিলাগা**

যানার পরে এবে লিশিং কথা আছে
কিহানি তোরে দিতু এবাকা বাছে বাছে
উঠানে দিলে পারা হাবিতা বানা লয়।
কথাতে আক্হানো নালয়া॥

উগদে মিতে নাউ অছিল।

বাজের নৃপুর চরণ বুজে তোর,
মরণ পারর মামছে পথগর
ছেয়ায় মবুর মায়াল।
জীবনহানরে ও ধ্বনিল তি কলকর ॥
(৭২)

মঞ্বী আন বুজে অঞ্চলি তোর,

হৈত্রর পূর্ণিমা চরুল জর ।

ক্ঞার মুঙে আরা বেহানে থারা থারা

কঙালা লাতলে কিতা খুৎতল থর ।

বঞ্জুল বেখুগং মঞ্জুল হুর

তোর সালে লেইসাবি অছে হুমধুর।
তোর কঙালাগঠই ইমে নাকরিনে লই

কার মঞ্জীরে ধ্বনি মন্ত্রগ অর ॥

মিলনর বাশীহান লাছলেদে নাক,
পুলাপ করে দেনে তোর অহুরাগ।
থৌরাঙ পুলে পুলে মন্ত মালতী ফুলে,
ঠতাল লপ বুজে তারে ভক্কর ॥

(৭৩)

আহিগীর মায়ার কাজল ঘনর নঙে নঙে,
ঔ আহিগী সাঙ্গুহে মার ঠই হাতোগীর রঙে।
মোর হাদিগ কলকরিয়া
হুঙেই হানে নিক্করিয়া
ক্বা নেয়াও মাতের কবা শাতছে মেইবঙে ॥
আমি ঘগার ইচুদিনর মনর কবাহানি,
বনর পাতার কিয়া বুলের তাত্রেহে জানি!
স্বর্গলতার রঙ অলয়া
পেয়া আজি বৌ মলয়া
মায়া বিলার ছেয়ায় ঙালে হারো জঙে জঙে॥
(৭৪)

স্থি ! হনো বনে বাশী এগ
আজি মধুর বাজের তার অনুরাগে বারে বারে
কঙালা হাদিগর মরমে ভালে দিয়া
কিরাকা ডাহিয়া মোরে আছে তারে 1

তোর ঠইগর কাদাং বয়া মি বানাং এলার ডাল,
আহিগীর কোনে গোপন কথাও অয়া থাক থানি ঙাল।
খারোগাছিং হারো লাগক
কিনি কিনি ফিকুপ বাজক
ইনাফিহানর বোহানে আয়া একরক হয়া তাল।
পিদিছনে বুকে ও ফুলডাল সাজেয়া থইছনে গারে,
তোর বুকগং চেপয়া নাছাক আয়াকো থানি তারে,
কঙালা প্রেমর হংশি গংল
তোর ঠইগর গোপন পথল
সালছে এ এলা নাকারছ তিতে হ্রগরে আজি আল॥

নেয়কনে সাজ, নাপেইনে লাজ, আইনে মুঙে তি আই,
কুশ্বন ফুটা দেনার পালেদে আর খানি ডিল নাই।
নেয়য়াও পাক জুরাং মালতী
চূলগ খুলিয়া এবাকা সাল তি
ফুলর বঙর ফানেক নেয়ক বাদেয়া তি নাউ পাই॥
মে তোরে পিদেয়া দিংনে কিজেং আজি মোর ছিল্ল আতে,
চু কার্লা দিং ঠইগর বঙে বঙেয়া মি হাতে হাতে।
তোর রূপে মোর হপন তিলয়া
গারিগং আছে পড়ক দিলয়া
মোর অনুবাগ আভরন আরা বেড়াকনে তোরে হায়॥

(99)

আক্ থ্কম তি মেইবং তুল চা,
আয়াও কিয়াকা মাতৌবাতাক না।
নিক্করা তোর কন্ধন ঝংকার
চক্জন ভালে ভজ্জন আয়া ধার
নুপুর ধ্যনিল মুংশিপা চরণা ॥
কুন্ধম ফুটা আন্ধিত পিচুমে,
আতি ব্যক্ষম ভন্নিও কি ঠুমে।
কুন্ধলে তোর কু গাবলার কুল
লাবণাহান জভেরতা পুল পুল
ধৌরাঙহানে গারিগ বেড়াছেতা।

তোর কঙালা নয়নে মোর কানে কানে কি কথা অভিমানিনী,
কঙ্কণে কিয়া দিনহান হাবি নেয়ছেতা কিনি কিনি।
মণিমালা ডাল মঙে ঝলমল
উতাউ তোর আহি ডল ডল
অধরে মধুর মাতৌ নেয়ছে কিয়াকা হে গরবিনী।
ফুল্ল মালতী মল্লিকা যুখী চামেলি চুয়ছে তোরে,
মিল্লেঙে তোর নেয়ছে মিঙাল কাজলে আধার করে।
কেথকে কঙালা নাছে মেইখং
কিয়াকা মামছে আহিগির রঙ
অঙ্গ বুজিয়া ভঙ্গি নেয়ছে হে প্রেম তরঙ্গিণী।

(9a)

বিশ্নি ঝিনি ঝিনি ধ্বনি চঞ্চল মঞ্জীরে,
আনন্দ তি আনলে আজি চুষিরা ফুলগিরে॥

র্থীর সুরা অঞ্জলিগং

পূর্ণ করে দিলেতা গং

ইন্লেখা কুঞ্জবনর সাজেইল ভদ্দিরে॥

দেশ তোর অন্ধ বুজে পুংললে পুংললে,

ডালের নাছার তরগহান তাল্ল বলে বলে।

ডেঙগি বুজে বরে বরে

চিনলা চিনিচামপা তোরে

হারোহানে তিঙিল আজি বুকগ আহি-নীরে॥

(50)

কার চরণ ধ্বনিয়ে ঝংকৃত অয়া ফাল্পন চঞ্চল,
সঙ্গীতময় স্থা পজব ইঞ্চিতে ঝলমল ॥
অঞ্জলি বুজে পূপিত বন
অন্তরগর সঞ্চিত ধন
পুঞ্জ মঞ্জুরীগিল সাজাছেতা খুংতল।
মধুপ আকুল মলিকা ফুলে, কুণ্ডাবলীর বুক,
ভঙ্গিমাহানে তর্ত্তিয়াও অছেতাক থুক থুক।
কিংশুক ফুল তুলিয়া পিচুম
ঠইগ বুজিয়া লছি তার ঠুম
মন্ত মালতী মুক্সি বিলেয়া সাজাদিরি বন্তল।

কুঞ্জপথ পূর্ণিমার মিঙালহানে ঙাল,
তোর চঞ্চল চরণহানিৎ ক্ষ্ম ঝুন্থ তাল ॥
ফাল্পনে মন-মন্দিরাগৎ মুগ্ধ বসস্তরে রাগৎ
নিককরিয়া জঙের তোর আতর ফুলর ডাল ॥
বাদলহানর হাদিৎ যেদিন গেলেগা লুকেয়া,
কদমজারে নীল আচালার পড়েছিল নাই ছেয়া।
বিজ্লিয়ে পথ দেহাছিল মেঘে মৃদলগ বাজিল
আজি অভিসারে আয়া সেচার মায়াজাল ॥
(৮২)

হার্বোহানে থমক দিয়া যাউরিগা তি। নৌনে িয়াছে গারিগদে মাতে মঙে চুরর কতি। তোর ভাঙর পারার তালে তালে নৃপুরে রহের। বানা-মংশি পথে পথে জভিয়া পভের ॥ তুলতুলাছে গারিগরে নীলুয়া ইনাফি, এলায় এলায় বেরা বেরা থছেতা লেইসাবি ॥ চুলর ফুলে ভ্রমর বুলের গুনগুনের। আছে। ফুলর রেণু মেই থডেদে রঙল সাজাছে ॥ খৌনানাক্পি নাপাল অয়া নারে নাপয়া, খৌরাঙে থার খেলা খেলা কেথক আক্যা॥ কানে কুণ্ডল কুণ্ডাবলী আছে ঝলমল, মালতী বকুলে আজি আনেছি খুংতল। আহি দুগিৎ আছে বুজে মেঘলা হাগর ছেয়া। মিলেঙে মিঙাল গলেৰ মেঙহানরে পেয়া ॥ তোরে চেয়া কিতা মাংতু পানভামনাতে নেই ! ঠইগ হমাজি আজি অছে ইলেই লেই ॥ লেহাও রঙর ভোর গারিগর ফিজেৎ অয়া থাং। পুলাপ করিয়া দিয়া মিটাদে খৌরাঙ।

জোনাকে গুলহান ডালেদের মিগ্রালে খুংতল আনেদের।

চৈত্র পূর্ণিমা আজি নাই হমাজি রূপবতী বনে আই

মন্ত কে।কিলর স্থারগই ঠইগ বুজে প্রেম আনেদের।

মুগ্ন অন্তরে স্থার স্থার

ললিত লীলাহানে আজি কোন রসর আবেশরে আনেদের।

মগুণ গুলিত ফুলগির চিত্ত আজি আর নার থির

হপনে বনে বনে বংশিল ঘনছে সমীরণ আনেদের।

(64.)

হেইনো ফুলে মন্ত শ্রমর করতারা গুন গুন,
আর ডিল নায়ে শাতই বকুল আহিতই ফাল্পন ॥
অশোক রাঙাল করিছনে সাজ
তুল মেইখং নাখইনে লাজ
হুনার মিঙাল আয়াও পড়িল, রথর ধ্বনিও হুন ॥
আসাংপা রঙ সাংকরিয়া তি পিদনে ফিরেইহানি,
কুড়িয়ে আহিগি মেলিয়া এবাকা অকরেছি কানাকানি।
বসস্ত তার বাশীগ ধরিয়া
হুনেইহানরে লকনে বরিয়া
হুনার নুপুরে তাপপ ভাপপ অকরেছে ঝুন ঝুন ॥
(৮৫)

মোর হাবি এলা থামর কাজল আহিৎ আয়া,
তার দিপিচ্ম যেপেই লীলাল আছেতা ঙায়া ॥
বাদল দিনর উদাসী স্থার
গোপন হপন অলকা পুরর
হাবি বিরহর এলাহানিয়েও রচের মায়া ॥
দিনর যাত্রা যেবাকা থামর রাতির হাগে,
থোরাঙহানি তেরাগি অলয়া থারতা লাগে।
গুবাকা তোর আহির আধারে
মোর স্বগই তোরে বারে বারে
ইমাম মামেদে বুলিয়া পারগা বিভ্লানায়া॥
(৮৬)

বৌহানে আয়া বকুল বনর কুঞ্জং বিসারার.
ফুলগি শাতছে ডেঙগি বৃজিয়া নুংশিহানরে পার॥
মধুমালতীর মধুর হপন
ফুলে ফুলে খেলা করেছে রচন
প্রিয়র সালেদে আহি দিয়গিও মেলের মাধবী জার॥
নীলুয়া আচালা সিলছে হাগেদে হুনার বেলির রঙে
চমকি কণার বরণ পড়ের চারিবেদে জঙে জঙে।

মায়াল মেঙছে নয়নে নয়নে গইগ লাগেছে উতার চয়নে দিনহান মন সাজেয়াও আর সাজানিতে লইনার ৮ না না না নাথাই হপনে গোপন অয়া,
হনার বেলিয়ে চারিবারা দিল ধরা ॥
লালয়া আয়া তি দ্রেই গগন
হে মোহন ! আজি, এ সেঙ ভ্বন
ভারে দিয় আতে পুলাপ করে লয়া ॥
যে রূপ মাধুরী পাহেছে চারিয় পার,
তি নায়া কারাঙো চুনা নাইতই আর ।
এরে সংগীত তোর দি-নৃপুরে
লাগিয়া থাকনে স্ক্মধুর হুরে
মোর এ জীবন রহাদিছ জাঙে থয়া ॥

(44)

কুমেইর গঠ লয়ইল নাই বাগিল কুঞ্জগ,
হাববি কথাও ইমপানি অছে এবাকা কাদাং ব ॥
এখুরুম দুগি বিচিক হপন
আধারহানাং আমার এ মন
গোপনে গোপনে সাজাদিক বয়া আমার হারোল॥
দূরেই বনর হাবি ফুলগিও এবাকা জঙিলতা,
ভ্রমরাগিয়ো আলথক অয়া কুরাং গেলাগা চা।
তি বানাল আন বানেয়া বালীরে
পিদাদিয়া সাজা রাতি এহানিরে
এরে আধারে তি মন এহানাং ঙাল উংসব আ॥
(৮৯)

অভিমানল মাগলে বিদায় ফুল শাতনির কালে,
পথর ধূলি লাগিলতাক গিঠলু ফুলর ডালে॥
চরণ শদু যেবাকা নেয়ইল
ফুলর বনে ফুলগি লেয়ইল
আশোকজারর অনুরাগ নেই তি নেয়নির সালে॥
আহির পানি করুণ বাশীর কঙালা হ্বর অয়া,
তোর পথেদে থারগা আজি পথগ ধয়া ধয়া।
তোর চরণর পড়েছিল চিন
ধাউরি চেয়া মি সারাদিন
ভারের উতা জঙিয়া ফুল মাটিৎ পালে পালে॥

বৌবরণে আইলে ঘরে থংমেই নিবা দিয়া,
প্রবল অয়া প্রলয় অয়া হমেইলে তি কিয়া ॥
আকখুলিগ আধার ঘরে
বাসেয়া মি আছু তোরে
মেঘলা হাগে মইবংগর ধ্বনিহান হুনিয়া ॥
আধার ঘরর প্রভু হে তি ! রাজাগ ঠইগর,
সাজলু ফিজেৎ কাড়লয়া থেলা অকরর ।
দিং হমাহান দেহা চরণ
লনে তি মোর জীবন মরণ
হাবি বাধা আবরণো নেগানে বাগিয়া ॥
(১))

বৌবরণর বাধাহানি হাবি লালয়া,
হনার রঙর মিঙাল আহিল ঙালয়া ৷
পথে পথে গিয়া চেয়া চারিবারা
দেহৌরি তোর চরণর পারা
কুংগদে আয়া গেছংগা তিতে আলয়া ৷
তোর নূপুর চয়য়া বিয়ানে মাটিং সিলছে,
গারগর ফুল পড়িয়া ধূলিং তিলছে ৷
মামছে মোরাং বিয়ান মিঙালো
কিহান করতু আনেছু এতাল
মি গরে থাইতে তি পথে গেলেগা সালয়া ৷
(১২)

তোর বাশীগর হ্বরগ হনলে চিনেরি মিতে তোরে,
কিসাদে তোরেতে ওক্করতো আইলে তি মোর গরে ॥
রাতির ছেয়ার আধারে আধারে
আহির পানির সাগরর পারে
ইম্পানি অয়া আইলে কিসাদে বুকগৎ লনা বরে ॥
তোর হ্বগল লাগাছিলু মোর অন্তরে থংমেই,
তোর গারিগর বৌহান আয়া বর্তিগ আয় নেই ।
কিসাদেক তোর মূর্তিগ থাং?
হনেছু শিচিল মিতে তোর নাঙ,
আঘাতে বিষাদে কিসাদে বুকদে লনা তোরে কলকরে'॥

ঠইগং তিতে আছং লুকেয়া কি বর্তিগল চেইতৌ,
আহির পানির বরিষা লালয়া কিসাদে ভোরে মি পেইতো ॥
বিরহ বাদলে আধার অছেতা পথ
তি কোন দূরেই-যমুনার পারগং
এমাম রাতিং হৃদির নৌগ কিসাদে করে মি বেইতো ॥
আহিগি মেলিয়া চারিবারা চেয়া বিসারতে তিতে নেয়ছং,
অন্তরে থায়া এমাটিক করে কিয়াকাতে আজি থেয়ছং!
তোর মিঙালর ঙালহান থানি পেয়া
আধার রাতিং থাইতো চেয়া চেয়া
তোর প্রেম-রঙে মোর মনহান হবা করে থানি সেইতৌ ॥
(১৪)

দূরেয়ে থাইলে হুরল মাতেয়া ডাহর মোরে,
কাদাং আয়া তি প্রেমল বেছেয়া বাদিয়া ধরে ॥
ঔ বাদনে মি ঠইগ খুলিয়া
দিতৌ তোর দ্বিচরণে তুলিয়া
মাদানর বেলি লাজে রাঙা অয়া যানার পরে ॥
রাতির তেরাগি কুঞ্জর গজে- ঙালয়া থায়া,
চেইতাই তার আমি দিয়গিরে হপনে ঙায়া ।
উবাকা ময়ুর মিলন মেলার
বাশীগং যেতা জঙের এলার
খুংতলহানি দ্বি-আত পাতিয়া লংনে বরে'॥
(১৫)

আহির পানির খুংতল নায়া কিতা দিল আছে তোরে,
মরণল তোরে হমাদিল বর দেনে শৌ-জিপুতরে ॥
সাজাদিক ইমা তোর দিয় থয়।
আমার জনম আয়নে তি লয়।
ডরহান আজি বাগেদে আমার অভয়ল কলকরে'॥
ইমার চরণ মরণ তীর্থ বরণ করিক গিয়া,
তোর খংহানি হজে দিক আমি রবত ডালিয়া দিয়া।
তোর পুণার সাহসে আমার
হরাক মনর ডরর আধার
ঠইগি আনেছি, দিক্নে তোরাং বানা পেয়া ইমা লরে॥





ব্রজেন্দু, কুমার সিংহর দিতীয় কাব্যগ্রহান 'এলার খুংতল'। এহানাং কবিয়ে আমার কাবাগীতির ভাষারে নুয়া কঙালা রূপ আহান দিখা দেওকরেদেছে ওহান পাঠকে লক্ষ্য করতাই। বিশুদ্ধ কবিতাহানি করে পাকরলেউ এতার মূল্য থাইতই। এলা এতাং তংসম শব্দ ব্যবহার করিয়া ভাষাহানাং যেসাদে ধ্বনি গান্তীয় আনানি মনাছে ওসাদে যেতারে আমি খাটি বিষু-প্রিয়া মনিপুরী শব্দ বুলিয়ার ওতার কাব্যিক রূপে ওহান ভাষাহানাং লল্করে দেছে। কিসাদে করলে আমার কাবাগীতির ভাষাহানার মাধুর্য আরাকৌ নিয়াম অইতই ওহানেই কবির সাধনাহান। 'প্রবপদ' গ্রন্থং শান্ত্রীয় সংগীতল প্রীক্ষা বরিয়া পূর্ণ করে দিল অমার এলার প্রক্রন্থ পূর্ণ দিক আহান। এলার খুংতল-গ্রন্থং বিভিন্ন স্করে লগে ভ্রেছানরে ভিলকরিয়া ইলকরে দেছে আমার প্রলার মুয়া পথ আগ।

নিখিল বিফুপ্রিয়া মণিপুরী মহাসভার সভাপতি শীযুক্ত নলকিশোর সিংহ গিরকে সাহিত্য সভা আহানাৎ মাভেছিল "ব্রজেজর কবিতা ইনিয়া হারপেইলাং আমার সাহিত্য এহান কতি উর্ক্ত অগেছেগাভা ।" কবি সেনারূপ সিংহর কবিতা আহানর নাও তীর্থ দরশনে (কবি ব্রজেজ সিংহ দরশনে) কবি স্থানা সিংহই ব্রজেজ কুমার সিংহর ভাষা মাধুর্য ল কবিতা ইকরেছে। কবি চাম্পালাল সিংহই মাতামে পত্রিকার সম্পাদকীয়ং এলার খুংতলর কবিতা এতারে বিশ্বাবরেণ্য কবি আগর স্থিব লগে তুলনা করেছে। কবি অমর সিংইই গিরকরে বিফুপ্রিয়া মণিপুরী ভাষার শ্রেষ্ঠ কবিগ বুলেছে। অধ্যক্ষ কুমার সিংহ গিরকর অভ্যত

লাগের কারতা ভাকর বারি খলপাং তুগার পালার সারি। ভালহান নেই 'মানহান নেই অজ্ঞা সাকপা পরল্লেই।

অজ্ঞার তাতে কিতার অভাব এলা দেনাই যেগর স্বভাব। ভাবক আছি ভাৰক নেই চিতার কোন কারণীনেই।

> সন্ধ্যা সিংগ পরিবেশনায়—পূণিমা লেইরিক লেইসাং